

南

疆

逸

史

南疆逸史序

南疆逸史者何紀宏光隆武永厯三朝遺事也何以不言朝不成朝也何以謂之南疆皆南土也勢不及乎北也若曰僅此南疆也云爾然則何紀爾也曰土宇反覆攻守紛錯政令互易興亡成敗得失之蹟不可泯也忠佞雜陳賢奸各出奇才策士之謀略武夫猛帥之攻伐老成正直之持論讒諂欺罔之詭辨與夫忠義奮發凌霜犯雪之操叛逆肆毒狐媚虎噬之狀不可略也蓋事變愈煩情態畢露可以下拜可以投劍可以裂背可以作舞可以慟哭流涕缺唾壺而碎如意者矣嘗論明之亡也始於朋黨成於奄豎終於盜賊南渡繼之小人得志借朋黨以肆毒合奄豎以固寵假盜賊以張威而

廟堂昏庸酣歌弗恤忠貞黜落貪黷橫肆紀綱倒置是非混淆以致穴中自關貽敵以漁人之利焉思文賢主也幅巾偏仄倚寇召寇永明仁慈有餘英斷不足崎岨山海之間播遷流離收遺孽為腹心託絕域為禁築傷已當其時坐而平章者不乏道德譽望忠諫誠悃之儒其捍禦邊圉綢繆外侮者亦多英達敏練遺艱投大之材劉黃姜高史瞿何堵諸君子者皆學究天人忠貫日月常變不渝文武互濟亦可謂祖宗之留遺王國之積斡矣乃好爵虛糜大權不畀或外而不內或尊而不親終於一木支傾九泥塞潰碧血青燐抗忠自信悲夫悲夫天命不延人慮再糾百六之會又焉能逃迨夫歷數已終正朔永絕而監國猶然樹森島嶼之中抗顏鯨鯢之

側落日狂濤衣冠聚議寸疆未復而志不衰天命垂盡而氣  
方壯父叛子忠鴛音忽好懷誠矢烈不敢萌貳雖新王之封  
冊嚴父之危詞不能易焉延祚再世麻年三紀然後知三百  
年詩書禮樂之遺澤其導人忠義之教者深矣蓋明之積弊  
約有三端一曰務虛名不采實用高談性命而以農田軍旅  
為粗研志詞華而以刑法錢穀為俗至使吏治不修武備全  
廢假鉞於武夫待成於胥吏一弊也二曰別流品不求真才  
古之求士或在草澤或在山林甚至羈囚餓隸降卒仇夫皆  
列置班聯畀膺寵任未聞同朝之誇今乃獨尊甲第鄙棄舉  
貢卽材懷管葛行同夷惠陞擢無期排擠有自楚材晉用誰  
實貽之二弊也三曰爭浮文不念切效承平虛套以抗大敵

祖制浮言以攝巨寇故以通和而反樹之怨欲令效忠而滋  
益之怒迨至鄰封責言狂寇反噬則影銷烟散啞口無策三  
弊也積此三弊敗亡不悟則談國之罪豈得獨誣諸小人哉  
余所以每不禁掩卷而三歎也是編也網羅散佚搜抉殘蠹  
上自朝廟大綱事關興滅下迨閭巷幽貞誼存感誦或紀其  
人傳其事俱見其本末零星逸行攢簇成章繁蕪瑣言芟除  
歸雅論賢智竇嚴以其世所指名也寬庸流弗議以其無所  
責焉矣哀之非恕之也君父之惡隱而弗彰愚昧弗敢知也  
亂臣賊子末路必載以示誅夷有所儆焉至於宜詳而略當  
顯而微則定哀微辭不敢悖也春秋之義嗟乎故國舊都望  
之悵然况乎姓氏與開業並垂爵命與末流俱隕其始其末

先臣實式憑之俯仰今昔迴環感慕不知涕泗之何從自附  
於西臺之紀云爾其缺略荒謬之譏所不辭也吳興哂園居  
士溫睿臨上元日書於炳燭齋

大興傅氏長恩閣鈔本

凡例

昔吾友四明萬子季野方輯明史語余曰鼎革之際事變繁多金陵閩粵播遷三所歷年二十遺事零落子蓋輯而志之成一書乎余曰是明史之所賅也余何事焉萬子曰不然明史以福唐桂魯附入懷宗紀載寥寥遺缺者多倘專取三朝成一外史及今時故老猶存遺文尚在可網羅也遂巡數十年遺老盡矣野史無刊本日就零落後之人有舉隆永之號而茫然者矣我儕可聽之乎余曰是則然矣其間固有抗逆顏行伏屍都市非令甲之罪人乎取之似涉忌諱也刪之則曷以成是書萬子曰不然國家興廢何代無之人各為其主凡在興朝必不怒也不得己而遂其志爾故封阡表容贈通



祀闕歷代相沿著為美談 本朝初定鼎首褒殉國諸臣以  
示激揚其在在外者不暇及爾褒與誅可並行也且方開史局  
時已奉有各種野史悉行送部不必以忌諱為嫌之令矣采  
而輯之何傷余因曰諾然世事拘牽因循未果也其後錄得  
野史數十種方欲咨訪發凡起例而萬子溘然先逝明史例  
傳甫脫稿尚未訂正念亡友惓惓之言不忍違其雅意間居  
京邸放廢無事嘗叢諸書以銷永日顏曰南疆逸史非敢附  
名山之藏亦賢於博奕者云爾

野史十有兼紀三朝事者吳偉業絳冠紀略鄒漪明季遺聞  
是也有紀國變及南渡事者夏允彝幸存錄文秉甲乙事案  
許重熙甲乙彙略李清三垣筆記是也有專紀宏光事者顧

大興傅氏長恩閣鈔本

炎武聖安本紀黃宗義宏光寶錄李清南渡錄是也有兼紀  
隆武永<sub>兩</sub>兩朝事者黃宗義行朝錄錢秉鐙所知錄瞿昌文  
天南逸史劉湘客行在陽秋是也有專紀隆武事者閩人思  
文大紀是也有專永<sub>兩</sub>紀事者沈佳存信編魯可藻嶺表紀  
年別湘客揚在蔡母遠乘即紀事馮應劫灰錄某南粵新書  
粵事紀略鄧凱滇緬紀聞滇緬日記是也有專紀一人一事  
者應廷吉青嶙屑史德威維揚殉節始末袁繼成潯江紀事  
某北使記康范生虔事始末某贛州乙丙紀略某江人事記  
徐世溥江變紀略章曠楚事紀略沈荀蔚蜀難敘略揚在朱  
容藩亂蜀始末武岡播遷始末孫可望費王始末犯闕始末  
安隆紀事鄧凱遺忠錄求野錄也是錄是也有專紀魯監國

事者黃宗義魯紀年四明山寨記舟山興廢記日本乞師記  
馮京第浮海記鮫澤甲子紀略陳睿思閩海見聞紀略阮疇  
生海上見聞錄是也共四十餘種其間紀載有詳略年月有  
先後是非有異同毀譽有彼此乃取萬子季野明末諸傳及  
徐閣學明季忠烈紀實諸傳合而訂之正其紕繆刪其繁蕪  
補其所缺撰其未備以成是編其他未見之書尚俟再攷然  
大略具是矣

古史於帝王則稱本紀諸臣則稱列傳者紀舉一時政令大  
綱列傳止載一人一事故稱紀以別之然太史公於項羽亦  
稱本紀以其號令一時事多詳載也今金陵閩粵三君位雖  
不終亦自帝其地各有政教理合紀載若拘入懷宗之側則

傳且不列何有於紀非一代史體也茲首卷先紀略不稱本紀者避本朝也其言略者事固不得而詳也

古人作史有專傳有合傳有附傳非以人有優劣也事有煩簡耳專傳必其行迹之衆多者也合傳則或其學同其行同其官同其時同其名同其一事偶同老莊孟荀其學同也刺客遊俠酷吏其行同也張蒼申屠嘉其官同也要敬叔孫通其時同也管晏其顯名同也屈原賈誼以放逐一事偶同也至附傳者以其人事迹少不能成傳故附記之非薄其人也足編諸傳竊倣此意以事以時為類或其人人品相懸亦不及計耳

諸臣有連事崇禎者其行事章奏悉略之以所重在南渡後

且已載於明史也必列之者以其終事在後也然大節亦撮  
數語不敢盡遺也

諸傳之序先金陵次閩次浙東次粵中諸臣有歷事三朝者  
則從其重者次之呂大器終於粵而先之者迎立異議大器  
為主一朝之眉目也其後在粵亦無所表見

古人附傳例不列名余獨不然蓋惜其人忠義節烈本屬賢  
者而行事泯沒無可記載僅以一死成名若復不列其姓氏  
則觀者且將忽之故每篇大書特書令人聳然於賢者之名  
耳若其人本不足重者雖附載不列名也

徐閣學忠烈紀實雖其人無事可書者必另列一行大書姓  
名余則不然彼專紀忠烈無可附書余則一朝之人忠佞賢

奸慝列焉閔或附見豈能掩其人之忠烈哉此所以異也無行事而但列姓名以為一傳古無此體也

義士義兵等傳古無此名今無妨乎曰無害也夷齊叩馬而太公稱以義士出自興朝佐命之口非出自勝國况也諸史各有忠義傳在勝國者為忠則在興朝為不忠在勝國者為義則在興朝為不義然史皆興朝所修而必不廢忠義之名者存其實焉爾此之立名猶是義也

或謂黃陶菴學涵文高明史置諸儒學侯通政沈總督邱巡撫揭傳兩太史曾吏部等皆官位尊重子乃與方都司茹參將等武夫並列義兵其間更有布衣仗義者俱在焉得毋不倫乎余歎曰固哉子之見者夫名位有貴賤忠義無貴賤也

能忠義則匹夫貴矣不能忠義則卿相賤矣漢人所謂桀紂至貴而下士羞與為伍夷齊至賤而王公不敢與抗是也豈在名位哉哀十一年郟之戰公叔務人與鄰童汪錡往偕死焉魯人欲弗殤童汪錡問於仲尼仲尼曰能執干戈以衛社稷雖欲弗殤也不亦可乎夫童子也而其名與國君之子並垂魯人禮之聖賢贊之千載下慄慄有生色較之魯三卿更烈焉非以其死義耶而何不可並列之有至如道學正於舍生取義見之陶菴以一書生枕干寢戈與武夫並膺此正見其實在道學也與夫口談仁義而身怯國事者異矣嗟乎世衰道微學術不明人惟聲利是趨乃於綱常大義亦先尚名位豈不可歎哉

大興傅氏長恩閣鈔本

周鍾周鍾雷縝祚三人者未嘗官南渡也南渡殺之耳何傳  
焉曰是南渡一大案也馬士英竭智盡巧以起大鉞而歸其  
獄於從逆諸臣從逆者不可得而誅而歸其獄於周雷於是  
周雷誅大鉞用清流懼禍釀成左鎮之內犯而國以亡則此  
三人者烏乎不載也

四鎮同功一體之人也列黃高而削二劉以其不終也其事  
則已附見矣李成棟之附見於李元胤傳以其無始也成棟  
不與聲桓一例乎曰是有辯粵中之不靖成棟擾之也迨其  
反正而民生已塗炭矣忠烈材幹之士已夷滅矣惟其小心  
聽命以死勤事較之借內附而仍暴橫如忠貞諸人異焉若  
夫聲桓始終一賊耳歸朝之後不請吏不納土不離窟穴擅



署宮吏私財賦妄殺戮藉其後來全無王章致煩天討辱害  
生靈故列逆臣

孫可望事與粵中相終始粵中立國而可望入滇矣可望降  
而粵亦以亡且其邀王封謀受禪擅殺大臣劫置安隆稱兵  
內犯皆粵事之大者不載不可也載之則人已歸降例不得  
載今詳見於李定國傳而謀附於同時諸臣亦得其大略矣  
諸史必有儒學孝友獨行文苑隱逸方伎等傳茲編為人無  
幾無從分晰獨隱逸欲列一傳而搜訪殊寡方明之末諸潔  
身高蹈者所在多有然其人既不求名而知交中或鮮好義  
文學之士不為傳述子孫式微遂致湮沒豈不惜哉廣搜傍  
羅以發潛德此亦四方君子之責也

金陵之亡閩有君矣閩亡粵有君矣魯監國紀不亦贊乎曰此以存諸遺臣也諸臣之謀事唐魯桂者多矣若錢張諸公與魯相終始者也無魯何以有諸臣諸臣之雄才大略精忠烈志皆與日月爭光者可以略乎諸臣不得略而監國烏乎不紀也且閩亡之後諸臣奉之長垣奉之健跳奉之中左奉之舟山閩中震動獨非國事乎此皆不得附見於閩粵者也

在昔梁未亡而蕭詵自立稱為後梁史不得略彼並帝者且然况於守監國之虛懷無自帝之驕志吾以為賢於靖江廣州萬萬矣故彼削而此紀

明祖鑒胡汪之禍不復立宰相以庶政歸六部而大權獨操太阿不旁落善矣然後嗣難以遵也成祖始與學士參決機

務設有內閣矣英宗冲年踐阼政在房闈始有票擬矣其後皆以六卿加宮保銜則權與宰相侔矣懷宗英察微有猜嫌秉鈞之地信任不專十七年之間至五十人於是內豎得而箝制之臺諫得而齟齬之廟堂無政海內萌離豈非輕蔑大臣有主而無輔之所致歟南渡而後貴陽煽虐猶有承平權奸之勢故江左卒為所覆至於閩粵而政府輕於庶官矣片言令旨立執化樞節鉞邊帥皆與閣銜品望既卑權寄斯替其卓卓自表者既散見諸傳餘瑣瑣者不足錄也惟起二三遺老欲資籌策而碌碌尸位望不稱職事不可遺故立一傳明之宗文幾百萬殲於賊者十之九焉其散處他方義旅相於推戴於是知列聖德澤在人念其苗裔猶祖宗也惜乎誦

劣之材不足以勝鼎器。隨征隨仆。比之聖公。盆子猶或下焉。被其毒者至脣之盜賊。嗚呼。夫孰非天潢之支流也。無仇在君親禍及祖宗。枕戈之志孰得議之。雖其無成亦足悲矣。而兵火之餘。無從披拾之者。謀略不具。始末不完。聊志梗概存其間之抱節義者爾。

鄭芝龍受明厚恩而不終。成功以子叛父。是何足誌乎。曰。凡為傳者。宜其人。是為亦以徵國事焉。閩之立國。惟鄭是依。國事取決於芝龍。而負恩喪國。計其罪合入叛逆之伍。成功痛父之不忠。矢心報國。奉粵朔不敢有二。迨至粵亡。猶以紀年竊附。仍稱天復之義。明之世勛宗戚與夫將相大臣受累。朝厚恩者。未有効忠若是者也。事雖不成。君子深悲其志焉。或

曰其拒魯王而不納非欲自尊忘乎曰否魯與閩固不協也  
兩相誚矣閩亡而奉魯思文有知不合愠地下乎附粵以明  
臣服之心拒魯以存故主之感此英雄不得已之智略也然  
則何以不入粵曰地相隔也此有土馬勢不得舍之以奉粵  
也令舍而奉粵則亦壬寅一俘囚耳安能任強島中延明厯  
二十餘年哉故以其父子祖孫自為一傳如五代吳越世家  
例為忠為叛讀者自評之

或曰逸史之異於正史者正以軼事記載多且子於軼事往  
往略之如德冒之疑非真也大悲童氏之獄暗昧不明也非  
當明辨之者歟永明見繫而神告以貞符入寺而木偶起立  
非受命之徵歟瞿留守之松仙預定也非管郭之流歟若是

大興傅氏長恩閣鈔本

者不可枚舉而子俱不載何也曰德昌之事無從辨也辨之而益疑刪之而論定矣永明之夢松仙之數近於機機祥君子不道也此編外史也不敢恃乎史體焉而若瑣瑣是迷疵累筆端故略之而人且以正史目之矣

明至定陵不獨朝事隳弛士大夫學術亦漓矣其時絕少通經學古之士馴至啟禎半白腹耳野史載懷宗嘗問閣臣宰相須用讀書人何謂也諸臣莫能對首輔徐奏曰容臣等至閣會議具奏內侍皆掩口而笑嗚呼以不學之人徵倖得第平章軍國重事以支寇盜交訐之會欲不亡得乎明史自開國至嘉隆儘多佳傳即少事實亦簡潔有體萬曆以後亢燕矣以前此纂述盡出名手而後之所本者不堪耳朝廷足議論

是非紛紜顛倒無從取信野史猶存直道焉故自定陵以後  
彙諸野史取正史所遺而傳聞甚的者纂為一編名曰吾儕  
錄南渡軼事未入此編者亦附載焉稍為論斷竊做中壘說  
苑之例他日南歸資田間之笑噓且以誇示兒曹曰此十餘  
年遊學錦囊也

大興傅氏長恩閣鈔本

南疆逸史目錄

紀略四卷

列傳五十二卷

凡五十六卷

紀略第一

逸史一

安宗

紀略第二

逸史二

紹宗

紀略第三

逸史三

永<sub>園</sub>帝

紀略第四

逸史四

監國魯王



列傳第一

逸史五

史可法

應廷吉附

列傳第二

逸史六

高宏圖

姜曰廣

列傳第三

逸史七

張慎言

徐石麒

張有譽

顧錫疇

管紹圖

解學龍

高倬

呂大器

列傳第四

逸史八

劉宗周

黃道周

大興傅氏長恩閣鈔本

列傳第五

逸史九

左懋第

袁繼成

列傳第六

逸史十

劉成治

黃端伯

吳嘉階

龔廷祥

陳鏞附

陳于階

列傳第七

逸史十一

凌駟

何剛

祁彪佳

陳潛夫

王瑞耕

列傳第八

逸史十二

周 鑑

周 鍾

雷 縝

列傳第九

逸史十三

徐 汧

華允誠

楊廷樞

劉 燾

陸 培

王道崐

葉向榮

熊 化

劉斯侏

周瑞豹

列傳第十

逸史十四

金 聲

夏允彝

陳子龍

沈廷揚

大興傅氏長恩閣鈔本

列傳第十一

逸史十五

侯峒曾

黃溶耀

沈猶龍

李待問

章簡

附

邱祖德

郭符甲

列傳第十二

逸史十六

胡夢泰

詹兆恆

周定仍

胡琦

陳辰來

曾應亨

余應桂

胡海定

揭重熙

傅鼎銓

劉士禎

列傳第十三

逸史十七

路振飛

曾櫻

曾學佺

馬思理

姜一洪

何楷

列傳第十四

逸史十八

陳六韶

尹氏興

吳聞禮

艾南英

熊緯

李魯

林逢經

畢貞士

王之慶

周之藩

大興傅氏長恩閣鈔本

張致遠

王忠孝

諸葛倬附

列傳第十五

逸史十九

萬元吉

楊廷麟

劉同陞

郭維經

彭期生

楊文薦

符湖中

黎遂球

龔芬附

姚奇厝

吳世安

陳烈

劉天駟等

盧象觀

月世光附

劉曰佺

錢謙亨

列傳第十六

逸史二十

傅冠

王應熊

王錫衮附

蔣德璟

黃景昉

何吾驄

黃士俊附

方逢年

列傳第十七

逸史二十一

瞿式耜

張同敞

何騰蛟

堵胤錫

列傳第十八

逸史二十二

嚴起恆

王化澄

大興傅氏長恩閣鈔本

朱天麟

文安之

吳貞毓

楊畏知

郭之奇

列傳第十九

逸史二十三

章 曠

傅作霖

吳 炳

洪育釐

周鼎瀚

列傳第二十

逸史二十四

蘇觀生

林佳鼎

丁魁楚

魯可藻

列傳第二十一

逸史二十五



陳子壯

張家王

陳邦彥

紀附 梁若衡

朱寶蓮

麥而炫

譚應龍

區懷吳

韓如琰

林洵

張恂

張珩

譚高謀

馬應芳

楊景暉

楊可觀

霍師連

陳文豹

朱學熙 傳闕

列傳第二十二

逸史二十六

大興傅氏長恩閣鈔本

馬 乾

李 乾德

樊一衡

詹天頴

范文光附

列傳第二十三

逸史二十七

郭水汾

張孝起

米壽圖

朱壽琳

羅國瓌

高 勳

李如月

王應龍

任國璽

列傳第二十四

逸史二十八

熊開元

章正宸

李清

李樸模

喬可聘

金堡

列傳第二十五

逸史二十九

張國維

朱大典附

孫嘉績附

列傳第二十六

逸史三十

沈宸荃

陳函輝

余煌

高岱

葉汝薇附

董守諭

王正中附

沈履祥

吳從魯

陳九嶽

大興傳比長恩閣鈔本

馮元覽

馮京弟附

列傳第二十七

逸史三十一

林塗

劉中藻

朱繼祚

張肯堂

吳鍾巒

朱永祐

李向中

朱養時

林瑛

列傳第二十八

逸史三十二

熊汝霖

錢肅樂

張煌言

列傳第二十九

逸史三十三

守土

任民育

曲從直

王纘爵

周志畏

羅伏龍

揚振熙

黃鉉

吳道正

王志端

溫璜

閻應元

侯承祖

顧成建

唐日彩

過俊民

戴重

鍾鼎臣

方召

列傳第三十

逸史三十四

大興傅氏長恩閣鈔本

守土

傅雲龍

熊東震

鄭為虹

黃大鵬附

王十和

王景亮

胡上琛附

曠昭

張亮附

王養正

王城

劉允浩

夏萬亨

高飛聲

李翔

徐伯昌

梁于浚

附黎仰明

康汝健

胡重明

徐君鼎

黃克善

吳錫玉

彭永春

徐可行

董四明

成啟

孫大華

列傳第三十一

逸史三十五

守土

張耀

黃應運

曾益

焦潤生

曾翼樞

王運開

劉廷標附

夏祖訓

陳六奇

徐道然

大興傅氏長恩閣鈔本

戴希嘉

鄭雲錦

那嵩

龍吉兆

龍吉佐附

列傳第三十二

逸史三十六

死事

張眉錫

龔用圓

夏雲蛟

唐全昌附

睦明永

徐念祖

傅凝之

陸厚元

沈鼎科

戚勳

馮敦厚

呂九韶附



夏維新附

王華附

黃敏祺

徐趨附

王佐才

陳大任

朱集璜

陶琰附

周室瑜

王濤

王湛

徐守質

麻三衡

吳漢超

吳應真

龐昌胤

謝球

趙初沅

司石磐

吳源長

錢國華

繆鼎吉兄弟

大興傅氏長恩閣鈔本

馮宏圖

周損

傅夢弼

傅謀之

姜堂和尚

侯應龍

王焜

盧象觀

方明附

葛麟附

顧杲

吳易

孫兆全附

李總兵

任源遠附

吳福之附

徐安遠

金有鑑

徐昌明

朱大定

錢棟

錢旃附

昌宣宗

余元良

周宗彝

姚志卓

張嘉運

錢達

章欽臣

邵一桂

洪有楨

王翊

王江

趙立言附

列傳第三十三

逸史三十七

死事

徐敬時

王廩

劉日杲

徐善策

彭錕

金志遠

大興傅氏長恩閣鈔本

鄧思健

楊應和

楊居久

附

陳資典

譚 滔

馮 伯附

魏一柱

吳啟爵

倪大顯

胡之淵

李含初

郭賢操

閻人天祥

王 龍

鄒文敬兄弟

王其定

孫仲奎

許文龍

寇夢凡

孔胤文

孔胤哲

蔡觀光

列傳第三十四

逸史三十八

死事

程見周

王良翰

李虞夔

孫守法

吳履泰

上官星拱

李爾龍

陳萬齡

吳子騏

譚先哲附

石聲和附

顧人龍附

席上珍

金世鼎附

何思附

段伯美

余繼善附

耿希哲附

大興傅氏長恩閣鈔本

冷陽春附

夏祖訓附

列傳第三十五

逸史三十九

死事

江天一

畫網巾先生

陸宇燭

賀向峻

王延善

蔣爾恂

列傳第三十六

逸史四十

隱避

姜埰

姜埰附

葉廷秀

顧朱

張利民

于穎

魏公韓

王一蕭附

張廷賓

周齊曾

林必遠

余增遠

方以智

劉永錫

列傳第三十七

逸史四十一

隱逸

張鹿徽

鄭龍采

費經虞

熊啟宇

胡正言

朱謙霽

邱上儀

一壺先生

錢老人

楊正經

大興傅氏長恩閣鈔本

逸士

李孔昭

李安世

萬泰

汪渢

邵泰清

嚴書開

張次仲

李天植

徐枋

張采鳳

張中發

謝邁

巢鳴盛

包捷附

王介之

王夫之

張若義

徐復儀附



列傳第三十九

逸史四十三

逸士

孫奇逢

黃宗義

李密

王宏撰附

張岱

談遷附

施博

劉洵

陳恭尹

列傳第四十

逸史四十四

逸士

沈壽民

劉城

張拱乾

楊湛露

大興傅氏長恩閣鈔本

魏禧

李標

王翊

張白牛

陳貞慧

呂章成

陶復

陳洪綬

鄭鉉

朱之璣

朱北穀

葉振名

韓位

嚴焯附

列傳第四十一

逸史四十五

義士

盧涇材等

高孝纘

王士琇附

吳可箕

潘履素

黃金璽

韓默

饒餘

張秉純

趙景麟

徐爾毅

鄧雲程

吳古懷

顧所受

王贊明

祝淵

王毓著

潘集

周卜年

傅日炯

朱偉

倪文徵

謝泰臻

嚴于鈺

劉孔昭

項嘉謨

大興傅氏長恩閣鈔本

沈士柱

魏耕

楊太冲

龐延曾

馮協鷗

楊履圖

饒宇袖

溫奇梧

周必顯附

薛大觀

列傳第四十二

逸史四十六

義士

王若之

文震亨

文秉附

殷獻臣附

徐澳

項志圖附

歐敬竹

石士鳳合

馬嘉

方國煥附

馬純仁

楊維嶽

許德溥

葉大章

鄒之琦附

鄒欽堯

朱君正

曾和應

劉秦兆

李應開

魏殷臣附

胡從治

李逢天

王奉石

陳一湛

盛名世

林化熙

林應星附

林說附

趙卯

大興傅氏長恩閣鈔本

紀文時

劉國祚等

列傳第四十三

逸史四十七

義士

趙一桂

孫紫社等附

錢鳳覽

紀附 三營卒

僧丹竹

趙廷瑞

熊國本

鄧貴

宜黃榜人

費采盛

列傳第四十四

逸史四十八

宗藩

益王某

永圖王由懋

羅川王某

嘉興王某

瑞昌王孫統鈺

〔圖〕靖王衍桂

盛濃

譏澁

盛澍

譏淡

紹鯤

常巢

統鈞

容藩

列傳第四十五

逸史四十九

武臣

黃得功

高傑

乙邦才

劉肇基

莊子固

黃滋

大興傅氏長恩閣鈔本

列傳第四十六

逸史五十

武臣

李元膺

焦璉

馮耀

李明忠

沐天波

列傳第四十七

逸史五十一

武臣

曾英

王祥

楊展

王興

陳奇策

蕭國龍

列傳第四十八

逸史五十二



武臣

李定國

劉文秀

列傳第四十九

逸史五十三

武臣

荆本徽

賀君堯

黃斌卿

鄭遵謙

鄭彩

阮進

周鶴芝

列傳第五十

逸史五十四

稜傳

鄭芝龍

鄭芝虎

大興傅氏長恩閣鈔本

鄭鴻遠

鄭成功

鄭經

列傳第五十一

逸史五十五

逆臣

金聲桓

列傳第五十二

逸史五十六

奸倖

馬士英

阮大鍼

楊文驄

劉承胤

馬吉翔

大興傅氏長恩閣鈔本

南疆逸史卷一

烏程溫睿臨撰

紀略第一

安宗

安宗簡皇帝神宗之孫福恭王長子也諱由菴母鄒氏初封  
德昌王進封世子崇禎十四年正月李自成陷河南府恭王  
遇害世子出走懷慶十六年七月嗣封福王懷宗擇宮中玉  
帶命中使賜之十七年三月京師失守四月己巳烈皇帝凶  
問至南京其時南京參贊機務兵部尚書史可法督師勤王  
在浦口南京諸大臣間變倉卒議立君未有所屬而王與潞  
王以避賊至淮上潞王諱常洵穆宗之後也有賢名大臣意

多屬潞王總督鳳陽兵部右侍郎馬士英遣書南京言福王  
倫序當立甲申守備南京魏國公徐宏基提督操江誠意伯  
劉孔昭南京兵部尚書高宏圖工部尚書程註右副都御史  
張慎言掌翰林院事詹事姜曰廣南京守備掌南司禮監務  
人監簿贊周等集朝內兵部右侍郎呂大器署禮兵二部印  
不肯著議吏科給事中李沾厲聲言今日有異議者死之時  
士英握兵於外與大將靖南伯黃得功總兵劉澤清劉良佐  
高傑等相結諸大將連兵駐江北勢甚張大臣且畏之不敢  
違於是以前福王告廟乙酉徐宏基等迎王於江浦丁亥百官  
迎見王素服角帶哭五月戊子朔王乘馬自三山門外至孝  
陵從臣請從東門御路入王遊避自西門入至享殿祭告畢

次謁懿文太子陵自朝陽門入東華門步行謁奉先殿出西華門駐蹕內守備府己丑羣臣勸進主辭讓遵景皇帝故事監國是日

大清攝政王入北京庚寅王行告天禮陞殿百官行四拜禮魏國公徐宏基跪進監國之寶王受訖再行四拜禮乃還大赦其新加練餉及崇禎十二年以後一切襍派並各項錢糧十四年以前實欠在民者悉免之以張慎言為吏部尚書王長以史可法為東閣大學士兼兵部尚書高宏圖為東閣大學士兼禮部尚書並入閣辦事馬士英為東閣大學士兼兵部尚書總督鳳陽如故發銀一萬兩遣職方司郎中萬元吉往犒得功等軍癸巳為大行皇帝發喪哭臨甲午以姜曰廣

為東閣大學士兼禮部尚書前禮部尚書王鐸為東閣大學士並入閣辦事曰廣辭改禮部左侍郎入直以工部右侍郎周堪廢為戶部尚書召前都察院左都御史劉宗周復官已未遣河南道御史郝處佳等安撫江南可法請裁去南京內外守備參贊等銜定京營及府衛官兵軍校事宜又請分江北為四鎮以黃得功劉澤清劉良佐高傑四人分統之傑駐徐州經理河北河南開歸等處招討事良佐駐壽州經理河南陳許等處招討事澤清駐淮安經理山東等處招討事得功駐廬州經理各路援勦事各有分地軍民聽統轄有司聽節制營衛修葺舊伍墾荒蕪採山澤招商稅以供軍民資每鎮額兵三萬人歲供本色米二十萬折色銀四十萬設督師

於揚州節制諸將罷鳳陽總兵官改副將設九江京口兩鎮以摻江總督文臣協理並從之內申馬士英率兵入朝戊戌羣臣勸進策三上王許之禮部請祀地祇命侯祭天一並舉行己亥脩奉先殿撫宦侯朱國弼請裁漕鎮從之辛丑召兵部尚書張國維回部協理京營戎政召前刑部尚書徐石麒為都察院右副都御史壬寅王即皇帝位大赦改元宏光以明年為元年賜文武官一級存問在籍大臣起廢滯宥罪過其北地文武官主義不從賊在南者一體用試宏光元年稅糧免十分之一江北湖廣四川倍免馬盧九德為司禮監秉筆太監提督京營癸卯馬士英入閣辦事仍掌兵禮二部右侍郎顧錫疇為禮部尚書分應天蘇松為二巡撫甲辰忻誠



伯趙之龍總督京營戎政進封黃得功靖南侯左良玉留南  
侯封高傑興平伯劉澤清東平伯劉良佐廣昌伯乙巳禁北  
來逃官入京丁未史可法出督師於揚州給銀二十萬兩諭  
參將王之綱迎太妃於河南郭家寨李自成遣偽副將軍董  
學禮等帥兵南下至宿遷已酉總督漕運巡撫鳳陽等處地  
方都察院右僉都御史路振飛遣兵擊敗之擒其偽防禦使  
武懷張慎言薦戎籍大學士吳姓命召之庚戌劉孔昭訐慎  
言於朝慎言乞罷上兩解之宏圖曰廣各上疏乞罷不許命  
御史周一敬護送潞王駐杭州設勇衛營以御馬監太監李  
國輔監督壬子進魏國公徐宏基左柱國其餘侯伯各加二  
級歲加祿米五十石賜韓贊周蔭弟姪二人盧九德一人錦

衣衛指揮僉事各賜蟒衣及銀癸丑遣史可法祭告鳳陵泗  
陵左良玉祭告顯陵乙卯封平西侯吳三桂薊國公世襲命  
發銀五萬兩漕米十萬石饋之間其敗賊也六月壬戌上大  
行皇帝諡曰紹天繹道剛明恪儉撥文奮武敦仁懋孝烈皇  
帝廟號思宗大行皇后諡曰孝節貞肅淵恭莊懿奉天靖聖  
烈皇后甲子程註致仕丙寅張慎言致仕馬士英薦前逆案  
光祿寺卿阮大鍼知兵命予冠帶召見廷臣交章劾奏不省  
宏圖曰廣各疏求去不許湖廣巡按御史黃澍入朝劾奏士  
英十可斬上令士英避位士英因內侍乞留乃止壬申士英  
劾從逆諸臣光時亨項煜周鍾等命逮治先是周王禕於淮  
安舟中命於安吉孝豐擇地卜葬丙子呂大器引疾致仕丁

丑張獻忠陷重慶府瑞王遇害戊寅封福府干戶常應俊襄  
城伯庠長以徐石麒為吏部尚書工部左侍郎何應瑞為工  
部尚書壬午巡按淮安御史王燮奏皇太子定王永王俱遇  
害是日鎮江兵變焚居民數百家乙酉命薦舉人材授西北  
殘破州縣停止勸餉事例秋七月丙戌朔命魯王駐台州添  
設兵部侍郎二員戊子追尊皇考福恭王曰貞純肅哲聖敬  
仁毅恭皇帝皇妣姚氏曰孝誠端惠慈順貞穆皇太后皇祖  
妣貴妃鄭氏曰孝<sub>圖</sub>溫穆莊惠慈懿憲天裕聖太皇太后  
上母太妃鄒氏尊號曰恪貞仁壽皇太后諡先妃黃氏曰孝  
哲懿莊溫貞仁靖皇后繼妃李氏曰孝義端仁肅明貞潔皇  
后追復懿文太子廟諡曰興宗孝康皇帝妃常氏曰孝康皇

后上建文帝諡曰嗣天章道誠懿淵恭聖文揚武克純篤孝  
讓皇帝廟號惠宗后馬氏曰孝愍溫貞哲睿肅烈襄天弼聖  
讓皇后追尊恭仁康定景皇帝諡曰符天建道恭仁康定隆  
文布武顯德頌孝景皇帝廟號代宗貞惠安和景皇后汪氏  
曰孝淵肅懿貞惠安和輔天恭聖景皇后己丑以太常寺少  
卿左懋第為兵部右侍郎兼都察院右僉都御史經理河北  
聯絡關東軍務兵部職方司郎中馬紹愉為太僕寺少卿副  
之加總兵官陳洪範太子太傅偕往北京給銀三萬兩為山  
陵道里費以六科員缺令將中行評博推知等官俱減俸行  
取已未定軍營制為五軍神樞神機三大營各一營至十營  
以團練總兵官六人分統之癸卯命禮部尚書顧錫疇祀海

甲辰追封開國公功臣故穎國公傅友德麗江王賜諡曰武靖宋國公馮勝置陵王諡曰武莊乙酉中旨以吏部右侍郎張有譽為戶部尚書宏圖封還爭之不聽辛亥釋高墻罪宗前唐王聿鍵等三百餘人時羣臣分黨紛爭日甚壬子諭曰朕遭百六之運車書問阻方資羣策旋軫故都乃文武之交爭致異同之日甚先皇帝神資獨斷彙納眾流天不降康咎豈在上爾諸臣尚監於前車精白乃心匡復王室若水火不化戈矛轉興天下事不堪再壞且視朕為何如主祖宗成憲弗尚姑息各宜欽承朕言不再改正閣銜以尚書兼大學士八月丙辰朔日有食之癸亥救左良王充提督官開藩武昌甲子張獻忠陷成都府蜀王遇害乙丑制曰川陝道遠職官

大興傅氏長恩閣鈔本

多缺吏部選擇賢才堪任監司府州縣者與巡按御史米壽  
圖前去隨才署用以後凡殘破險遠地官准此戊辰皇太后  
自儀鳳門入宮遣靈壁侯湯國祚告於南郊命惠王駐廣信  
府癸酉命修西宮之西園第一所為皇太后宮己亥命吏部  
察廢籍及舉貢監生才品堪用願効力危疆者考選二三十  
員咨發督輔軍前以補地方缺官丁丑封皇太后弟千戶鄒  
存義為大興伯贈吳三桂父故總兵官吳襄遼國公母祖氏  
遼國夫人戊寅命進淑女辛酉賜北京死節諸臣大學士范  
景文等二十二人贈諡祭葬有差建祠雜鳴山賜額旌忠壬  
午以前太子太保禮部尚書兼文淵閣大學士王應熊起用  
改兵部尚書總督川湖雲貴等處帶辦蜀寇賜尚方劍便宜

行事仍給銀三萬兩癸亥封鄭芝龍為南安伯命停文武薦  
舉禁非言官而上疏者乙酉中旨以阮大猷為兵部右侍郎  
巡閱江防是月

清時楊萬興下濟國九月辛卯裁各布政司右布政使癸巳  
曰廣致仕甲午宗周致仕己亥三法司奏定從逆六等條例  
大逆凌遲處死凡五條凡從逆攻陷京師及為賊毀宗社易  
門榜者凡倡率勸進及為賊偽詔導者凡部院詹事翰林三  
品以上大臣從賊受偽官為之親信用事者凡文武封疆大  
吏如督撫總兵降賊者凡京堂翰林科道部官為賊畫策規  
取地方者以上如本犯不歸歸而又逃者收係其妻子籍沒  
其家產斬決不貸時凡三條凡四五品京堂及翰林科道受

賊偽命居要地比原職加崇者凡方面分巡分守知府等官  
降賊者凡文武封疆大吏間變先逃者絞凡六條凡獻銀獻  
女獻婢以媚賊求免者凡內外衙門官但受偽命者凡職在  
巡方遇變而逃及布按三司分巡分守知府等官遇變逃者  
凡被賊夾打不能自回仍受偽官者凡受偽官為賊疏遠者  
凡各衙門幕差如管屯管河推關司餉等官雖無封疆之責  
而逃者皆流凡二條凡內閣重臣及部院等三品以上詹事  
翰林五品以上即不從賊偷生潛逃者凡既受偽職後自疏  
遠先賊未敗脫身南還者以上斬絞流及遠戍共十一則如  
各犯認罪自投議減半本罪一等如遁歸匿形蓄謀巨測謀  
於本罪加一等仍收係其親屬徒凡二條凡候考候選即無



官守即未受偽官仍浮沈賊中賊奔乃還者凡遇賊變為賊  
負留未受偽官者杖凡一條凡初為賊所拘未受偽官乘間  
先歸者制曰北都淪喪帝后升遐巷戰死綏者遂無一人且  
反面事仇甘心降賊為之指斥先帝規並海宇人心已喪法  
紀何存所奏既已會議允當並先奪職其絞罪以上法司行  
撫按官逮至京訊之流罪以下撫按官依律即訊具奏具有  
身雖陷賊而能改圖歸正擒殺賊首及以兵馬城池來歸或  
為我內應先立大功或為我內間効忠本朝者仍從優陞賞  
不用此例士英請令童生輸銀免府縣二試己巳給河南巡  
撫越其羔銀十五萬兩令募兵屯田追賜國初諸臣陶安等  
先朝諫死諸臣蔣欽等諡命鄉官與監生齊民較田多寡一

體當差不許擅立官戶丁未上皇考陵名曰熙陵庚戌命法  
司逮問呂大器前巡撫御史左光先俱不至開納助工事例  
辛亥停宗室換授壬子命刑部逮問黃澍亦不至戶部給事  
中陸朗御史黃耳鼎例授外職特旨留之二人疏攻徐石麒  
甲寅石麒致仕是月高傑率兵赴鎮冬十月丁巳太常寺少  
卿李沾為都察院左都御史庚申高宏圖致仕甲子遣司禮  
監太監孫元德察催直隸浙江福建庫餉仍督兩浙漕鹽課  
稅並修練儲備事宜賜北京死節太監王承恩等九人賜諡  
祭葬蔭有差丙寅命於杭州選淑女壬申中旨以吏部右侍  
郎張捷為吏部尚書癸酉追復代宗生母賢妃吳氏為皇太  
后上諡曰孝翼溫惠淑慎慈仁匡天錫聖皇太后惠宗長子

文全曰恭愍皇太子弟允暉為吳悼王允煙為衡愍王允熙  
為徐哀王追封少子文全為原懷王並附祀孝康陵復江都  
宜春南平等四郡主為公主耿睿于禮為駙馬都尉丙子命  
以來年正月上辛合祀天地於南郊士英請令戶部給直省  
印單凡贖鍰自杖以上俱注單內解部充餉其不入單內以  
贖論從之丁丑以兵部左侍郎解學龍為刑部尚書戊寅加  
左良玉太子太傅壬午命停今年決囚癸未鑄宏光通寶錢  
是月漳川賊破雲霄城拒之官兵討之賊走大埔十一月戊  
子西宮成賜名慈禧殿續封鄧文亮為定遠侯庚寅命開屯  
海中玉環等山辛卯令生員納銀充貢總兵官邱磊有罪下  
獄死癸巳命連王駐台州開海縣乙未夜端門外火

大清兵入宿遷破海州庚戌以五軍都督府左都督許定國充總兵官挂鎮北將軍印鎮守開封辛亥監下江軍兵部職方司郎中楊文驥請於金山圖山作城從之壬子復逃官御史蘇京官駐廟灣聯絡海上自五月不雨至於是月十二月乙卯朔命荆王駐九江府丁巳進封劉澤清為東平侯禁巡按御史不許訪擊庚申賜建文死節諸臣贈諡辛酉以湖廣巡撫何騰蛟總督川廣雲貴等處軍務兼督糧餉專理恢剿丙寅改上孝宗后張氏諡曰孝誠靖肅莊僖哲懿扶天贊聖敬皇后大閱禁軍命士英代己已陳洪範北使還左懋第不屈被執通政使楊維垣請重刊三朝要典許之又奏逆案多狂命吏部察明分別復職起用有狂僧大悲至京自稱王下

鎮撫司訊之癸酉復逃官前左春坊左諭德韓四維官工科  
右給事中戴英劾之改別職用甲戌遣士英視牲乙亥復逃  
官兵科給事中時敏官開屯海中大覆等山丁丑諭吏部自  
天啟以前諸臣有勞績者察明贈官不得與蔭三法司解學  
龍等奏從賊諸臣擬罪太輕命再議開納文武職官誥命事  
例

大清兵自孟縣渡河總兵李遇際迎降命高傑屯歸德以備  
之徐宏基卒戊寅傑自徐州進兵辛巳罷南郊改以明年冬  
至壬午以應天府府丞瞿式邦為都察院右僉都御史巡撫  
廣西士英請推酌從之

元年春正月乙酉朔大雪免百官朝賀以士英掌文淵閣印

充首輔辦事癸巳命得功良佐率師進屯穎毫二人授命不行興平伯高傑率軍至睢州總兵官許定國伏兵殺之叛降於

清戊戌禁宗室入京朝見壬寅命在京諸臣自陳癸癸卯中旨以吏部左侍郎蔡奕琛兼東閣大學士入閣辦事命裁革監紀及將領官乙巳奪解學龍職丙午召都察院左都御史唐世濟復官加高傑監軍兵科給事中衛允文兵部左侍郎督興平標下鎮將兵馬兼理本鎮汛地經略開歸防勦軍務是月

大清兵入西安府李自成走襄陽二月庚寅朔命於嘉興紹興二府選淑女已未阮大鍼為兵部尚書協理部事江防如

故以工部右侍郎高倬為刑部尚書人有上書言開化德興  
玉山之間有雲霧山為先朝封禁開之可以助國命太監李  
國輔往會同撫按勘視辛酉令五府察明勛臣世系保選戚  
臣不許濫請世襲癸亥續封廟其謀為鎮遠侯甲子謚皇太  
子獻愍定壬曰哀永王曰悼乙丑命蘇州織造大婚冠服丁  
卯顧錫疇罷蔭方孝孺裔孫樹節為翰林院五經博士遣太  
監高起潛安撫興平營將士甲戌進蔡奕琛禮部尚書文淵  
閣大學士乙亥追封皇弟由棻為穎王謚曰冲禮部請朝日  
命待南郊禮成行之丙子更上先帝廟號曰毅宗趙之龍奏  
思非美謚也封慈煇為崇王命駐福州府己卯命駐百官印  
去南京二字癸未大悲棄市鴻臚寺少卿高夢箕奏先皇帝

大興傳代長恩閣鈔本

太子自北來遣內臣蹤迹至杭州得之三月甲申朔至京駐  
興善寺太監李承芳盧九德等審視還報夜五鼓移至掌錦  
衣衛都督同知馮可京邸舍乙酉上御武英殿命府部九卿  
科道及前東宮講官中允劉宗正李景濂少詹事方拱乾等  
審視太子問答多不符大學士王鐸叱為假久之自稱為王  
之明故駙馬都尉王禹姪孫奏上丙戌下中城兵馬司獄以  
戌籍錢謙益為禮部尚書丁亥復故少師兼中極殿大學士  
溫體仁諡戊子命太監喬尚總理兩淮鹽課嚴察兵馬糧餉  
壬辰命百官會審王之明於午門外上故妃童氏在河南巡  
按御史陳潛夫具儀從送至京上以為假下錦衣衛獄並逮  
訊潛夫癸巳遙祭諸陵戊戌三法司以王之明獄上命再嚴



究往來縱迹及主使之入先是太子之至也都人皆喜以為上未有子且以為嗣至是人情益懼民間流言指馬士英王鐸共謀戕害太子黃得功上疏乞保留上命養之獄中弗遂加刑劉左良玉上疏並言太子童氏二事謂上為羣臣所欺因命法司頒二案讞詞傳示中外以釋羣疑然而流言日甚己亥上懿安皇后諡曰孝哀慈靖恭惠溫貞偕天協聖哲皇后更上皇考諡曰孝皇帝壬寅先帝忌日上於宮中舉哀百官於太平門外設壇遙祭乙巳

大清兵從河南下總兵官王之綱走宿州是日詔歸德府巡按御史凌駟死之丙午罷安慶巡撫己酉贈高傑太子太保蔭一子錦衣衛百戶壬子加高傑部將李本深太子少保左

都督提督興平伯標下兵馬夏四月丙辰左良玉反陷九江  
府良玉尋死其子夢庚自稱留後丁巳追恤三案諸臣劉廷  
元等二十人並復原官仍各贈蔭有差己未左兵陷東流京  
師戒嚴以公侯分守長安等門及都城十三門徵靖南廣昌  
東平三鎮兵入衛命史可法至江北調度阮大鍼率兵巡防  
上江是日戮光時亨周鍾武懷於市周鎮雷縝祚賜自盡其  
餘從賊諸臣擬死罪者戍邊流罪以下為民是日左兵陷安  
慶府

大清兵自歸德分兩道一趨亳州一趨碭山徐州總兵官李  
成棟奔揚州壬戌封常澄為襄王命駐汀州府是日都督黃  
斌卿等與左兵戰於銅陵之灰河賊之明日復戰沈其船三

十艘命勞諸將銀幣乙丑

大清兵入泗川丙寅渡淮史可法還保揚州丁卯選淑女於元輝殿潞王在杭州上書請移僻靜一郡戊辰命移駐湖州府敕賜莊諭且命移周魯二王於江西廣東辛未

大清兵圍揚州七日城破督師太保兼太子太保兵部尚書建極殿大學士史可法死之遂屠其城戊寅追封于謙為臨安伯五月壬午朔進封黃得功靖國公諸將各陞隆有差遣司禮監太監王肇基齎銀幣往勞丁亥封鄭鴻達靖虜伯分蘇松常鎮為二巡撫己丑夜

大清兵自七里江渡庚寅鴻達以水師奔福建

大清兵入鎮江府辛卯上遜於太平士英奉皇太后如杭州

京城潰日夕時至太平居都察院公署癸巳如得功營御舟中忻城伯趙之龍禮部尚書錢謙益送款於豫王

大清兵自丹陽趨句容乙未夜前隊至郊壇門丙申豫王至營於郊壇北之龍及諸勳戚文武大臣皆迎降劉良佐率兵至新河降己亥豫王入南京庚子上如燕湖癸卯良佐引

大兵追帝左柱國太師靖國公黃得功死之其將田雄張杰等奉上如

大軍九月甲寅上如北京唐王即位遙上尊號曰聖安皇帝明年五月遇害潞王等亦見殺粵中立國上諡曰安樂簡皇帝工科李清南渡錄曰上燕居深宮徘徊吟歎謂諸臣無肯每為我用於聲色罕近地也然讀書少章奏未能親裁故內

闕外壬相倚為奸卒歸遇於上如端陽捕蝦蟆此宮中舊例而加以穢言且謂變童季女死者接踵內外喧諍罔辨也及國亡宮女逸出始得其真惟一為士英所挾太阿旁落亂政亟行以淪胥於亡蓋帝仁厚有餘剛明不足論者謂士英聽大鍼奸謀欲以三朝要典興黨人之獄上獨不允亦可想見其為人矣

逸史曰自燕都淪喪懷生之倫莫不飲痛然大河南北雖經蹂躪而吳楚閩粵滇黔疆域如故也於是紫蓋渡江南都擁立以倫以序福藩為正史大司馬忠貫日月招徠耆舊奮揚師旅時則高宏圖姜曰廣左右一人張慎言徐石麒代為家宰張有譽顧錫疇並列六卿起劉宗周為亞相鄭瑄為大理

大興傅氏長恩閣鈔本

翰林則陳于壯劉同升趙士春柳尹則侯曾岷姚思孝詹兆  
恆郭維經臺諫則馬嘉植熊汝霖章正宸陳子龍沈宸荃游  
有倫喬可聘郭貞一邵曾則夏允彝吳嘉胤黃端伯何剛錢  
棟羣賢濟濟布在殿陛方將校七萃閱六師和強鄰剪仇寇  
衆庶嗚嗚想望中興即未能躡起雲蔚迅復大物而滔滔江  
國畫整自守猶未失為晉元宋高也無何而貴陽煽虐盜賊  
秉鈞外連強帥內起孤羣斥逐貞賢引用匪類寵賂既彰紀  
綱大壞史公奔走江淮網繆內攘猶日不足久之忠義激發  
傑鷲降心拔旗北指電掃河洛而變生杯酒自相屠滅卒致  
例戈天不祚廷可概見矣迨夫朝昏日甚飛章告密萃於清  
流而託名皇胤王郤故智適符其會於是不逞之徒借清君

側晉陽之甲羽撒四馳乃空淮左以過江防使敵得蹈虛乘  
隙長江飛渡君臣與櫓嗚呼悲夫究其始終以人為興衰易  
稱否泰君子小人之消長而已有國家者可不鑒哉

南疆逸史卷一

大興傅氏長恩閣鈔本